



リ 8
1834
21





十九史略通考序

作史無定法本之春秋綱目有定法考史無定
 論本之春秋綱目有定論蓋春秋因魯史而作
 以為萬世之法綱目因治鑑而脩以正百王之
 統此天地之經君臣之義而聖賢之心也然則
 後之言史者合二書何以哉竹窩余先生世居
 番陽之藍塘家素業儒先生自幼警敏好學既
 深於經又長於史嘗謂曾先之史略之書詞義
 雖簡約而正朔多溷殺諸家訓詁雖浩繁而義

疑治通之誤

謬

理多課戾廼依綱目義例以正其統紀旁采諸
儒粹言以釋其文義又節取元史以補于后而
目之曰十九史略通考一日緘致藁本且辱貽
書俾予序之夫聖人之志莫大於春秋繼春秋
之跡莫尚於綱目今觀先生述作之旨一以綱
目爲心註釋之要一以必當爲主寸寸而較銖
銖而積微辭隱義多所發明其所以尊君父而
討亂賊崇正統而抑僭偽褒名節而黜佞邪貴
中國而賤夷狄莫不有繫於三綱五常之大焉

是可嘉尚也已因拜手以識于後先生名進字
宗海古城散人之孫雲峯先生之子其學得之
韓文公送子讀書深以入不通古今爲戒何如
斯可謂之通矣精通固難粗通正亦未易史冊
浩瀚初學望洋今有一編書使十行俱下者讀
之不三二日而數千載之本末大略已在曾次
其於訓蒙便甚書林熊氏於是刻梓以傳所以
惠後學廣矣余深嘉之爲題其編首大德丁酉
嘉平月望豫章周天驥書

史略叙

十九史略通考目錄

卷之一

太古 三皇 五帝

夏 殷 周

春秋戰國

卷之二

秦 西漢

卷之三

東漢 蜀漢 西晉

卷之四

東晉 南北朝 隋

卷之五

唐

卷之六

五代 宋

卷之七

南宋

卷之八

元

十九史略通考目錄 畢

十九史略目錄

司馬遷

史記

班固

西漢書

范曄

東漢書

陳壽

三國志

唐太宗 晉書 沉約 宋書

蕭子顯 南齊書 姚思廉 梁書陳書

魏收 後魏書 李百藥 北齊書

崔仁師 後周書 魏徵 隋書

李延壽 南史北史 歐陽脩宋祈 唐書

歐陽脩 五代史 李燾劉時舉 宋鑑

張羨和 元史

古今歷代十九史略通考總括

歷代國號歌

天皇地皇人皇氏名曰三皇居上世太昊炎帝

及軒轅唐虞紹之為五帝舊本以太昊炎帝軒轅為三皇金天高陽

高辛唐虞為五帝今依五峯胡氏并易大傳正之如此夏商周秦前後漢

三國鼎峙漢魏吳時自耻立也言三國相對峙如鼎三足漢亡於

魏魏禪晉晉又平吳天下混禪音善讓也擾西

晉者為五胡五胡謂劉氏石氏慕容氏姚氏也天下瓜分南

北隅言天下分而為二如破瓜然南則東晉過江左宋齊梁

符

陳踵其都

踵音冢盤迹也言晉都江左

北則五

胡而後魏東魏西魏分為二東傳北齊西後周

周又滅齊禪隋帝隋能平陳南北一曾幾何時

禪唐室唐室以後為五季梁唐晉漢周相繼

季末

也言五代乃衰末之世繼周者宋天下平迫宋

南遷是胡金元滅胡金取宋繼南北混一九十

歲胡金者言金乃胡虜之人也帝王神器已有歸

大明接統萬萬世

コソ
歴代ヨリ

代世年歌

鑿開混沌分天地天地分從攝提歲

混沌者陰陽未分之

狀鑿開云者言陰陽既判如鑿開然爾雅太歲在寅曰攝提格是生萬物人最

靈斯人之初盤古氏天皇兄弟十二頭各歲一

萬八千周地皇十一頭兄弟亦各一萬八千禊

人皇氏兮凡九頭九兄弟者分九州相承一百

五十世四萬五千六百秋頭謂人數也禊古祀字年也餘說見太古

紀三皇以後有巢出構木為巢食木實有巢氏

後燧人來鑽燧改火教民食音義並見太古紀代以太

昊庖犧氏首畫八卦造書契女媧共工及大庭

陳踵其都踵音冢盤迹也言晉都江左北則五

胡而後魏東魏西魏分為二東傳北齊西後周

周又滅齊禪隋帝隋能平陳南北一曾幾何時

禪唐室唐室以後為五季梁唐晉漢周相繼季末

也言五代乃衰末之世繼周者宋天下平迨宋

南遷是胡金元滅胡金取宋繼南北混一九十

歲胡金者言金乃胡虜之人也帝王神器已有歸

大明接統萬萬世

歷代世年歌

三皇

鑿開混沌分天地天地分從攝提歲混沌者陰陽未分之

狀鑿開云者言陰陽既判如鑿開然爾雅太歲在寅曰攝提格是生萬物人最

靈斯人之初盤古氏天皇兄弟十二頭各歲一

萬八千周地皇十一頭兄弟亦各一萬八千禩

人皇氏兮凡九頭九兄弟者分九州相承一百

五十世四萬五千六百秋頭謂人數也禩古祀字年也餘說見太古

紀三皇以後有巢出構木為巢食木實有巢氏

後燧人來鑽燧改火教民食音義並見太古紀代以太

昊庖犧氏首畫八卦造書契女媧共工及大庭

五帝

柏皇中央歷陸繼驪連赫胥迨尊廬混沌吳英
朱襄次葛天陰康暨無懷風姓相承十五世迨

皆及也餘後有神農號炎帝始嘗百藥教耒耜

帝承帝臨傳帝則帝百帝來亦其裔帝襄帝榆

姜姓終八世五百二十歲音義並見黃帝公孫

名軒轅衣裳而治法乾坤治去聲易大傳曰黃

蓋取諸金天少昊是其子高陽顓頊是其孫曾

孫帝嚳號高辛玄孫伊祁名放勳放勳是為陶

唐堯禪于有虞其姓姚重華其名舜其謚舜又

夏

禪于夏后氏考行易名曰謚其法周公之所作

見唐姁文命為夏禹王傳子曰啓逮太康仲康

王相少康立王杼王槐至王芒王泄之後王不

降王扃王廙孔甲五王皐王發王履癸履癸號

桀無道亡四百五十有八歲夏十七世鼎遷商

逮及也鼎殷商成陽湯王子履外丙仲壬其二子

太甲沃丁至太庚小甲雍巳太戊興仲丁外壬

河亶甲祖乙祖辛沃甲承祖丁南庚及陽甲盤

庚小辛小乙生武丁祖庚及祖甲廩辛庚丁武

商

周

乙稱太丁帝乙獨夫受其號曰紂其名辛六百
 四十有四載商三十世周其代朱子曰四海歸
 之則為天子天
下叛之則為獨夫
 故曰獨夫受也周文王者為姬昌子武王發
 傳成康昭穆共懿孝夷厲宣幽平桓繼以莊釐
 惠襄頃匡定簡靈景悼敬至元王貞定哀思考
 威烈安王夷烈寔微滅顯聖真靚赧王延三十
 七傳周統絕八百七十有三年中有春秋與戰
 國漢音侵
 漸也始皇帝政呂而嬴并吞六國天下秦
 帝秦僅能十五載二世胡亥王子嬰嬴音盈言
 始皇乃呂

秦

漢

不韋之子而冒秦之
 嬴姓故呂氏而嬴也姓劉名邦漢高祖滅秦未
 幾滅項羽傳子孝惠文景武昭宣元成篡其緒
 哀平帝至孺子嬰王莽篡位國號新十五年誅
 更始立光武劉秀成中興明章和殤安與順沖
 質之下為桓靈至獻帝為曹操圖天下三分漢
 魏吳漢先帝備謚昭烈至後帝禪為魏俘漢年
 四百六十九二十六傳如此夫傳音孚虜
 也夫音扶魏武
 王操姓曹氏子丕篡漢遂稱帝丕為文帝子為
 明邵陵高貴公皆廢陳留王璜第五傳祚止四

魏

吳

十有六歲魏亦篡于司馬炎固知反復皆天理

祚音助位也福祿也

吳起孫策長沙王弟權帝吳為太皇

子會稽王及景帝烏程侯皓國破降四主歷年

五十九比於蜀魏為後亡漢亡於魏魏禪晉晉

又平吳三國盡會音檜稽音笄降音杭司馬氏起懿師昭

至武帝炎西晉朝惠帝以來五胡起劉石慕容

苻與姚熾懷業愍沒劉氏西晉遂亡四海沸一

統五十有二年南北瓜分從此始南則東晉元

帝睿明成康穆哀與廢簡烈安恭百三年東晉

西晉

東晉

宋

又亡劉宋繼通一百五十五年相傳一十有五

世朝音劉宋高祖寄奴裕營陽文帝傳孝武前

廢帝亡明帝立後廢帝亡順帝襲五十九年凡

八傳齊蕭道成代而帝道成高祖傳之武鬱林

海陵明帝取東昏侯後和寶融二十三年更七

主更音蕭衍衍高祖梁武帝簡文及元敬方智四

傳五十有五年為梁代者陳霸先是為高祖陳

武帝文帝臨海繼以宣後主叔寶長城公三十

三載國五傳江東分王止於此事在晉書南史

陳

梁

齊

元魏

編隋乎陳南北混為一故曰分王止於此也北則五胡相吞併五胡迭衰拓跋盛拓跋稱帝晉安時為魏道武其名珪明元大武為之後文成獻文紹其基逮于孝文改元氏宣武孝明魏始衰孝莊節閔至孝武迫於高歡逃去之魏年一百四十九此際分為東與西東魏孝靜元善見一十七年禪北齊北齊高洋歡之子帝號文宣其嗣廢孝昭武成後主緯二十八年齊五世西魏遷由孝武脩依宇文泰翻為仇文帝廢帝恭帝廓二十三年禪後

北齊

同疑衍

隋

唐

後梁

周後周之業由泰作其子閔帝宇文覺歷明至武能滅齊宣至靜闡周亦衰五傳二十有五載禪于楊堅國號隋拓跋魏姓也楊堅高祖隋文帝篡周九年滅陳氏混一三十有八年煬廣恭侑侗三世煬音漾代隋而帝唐高祖其名為淵其姓李有子世民即太宗取天下者皆其計高宗之後中睿玄肅代德順憲穆繼敬文武宣懿僖昭哀帝祝終二十世唐年二百有九十後梁朱溫篡其位僖音帝賜名全忠帝名晃為梁太祖傳再世

後唐

均王友貞改名瑱梁王一十七年耳瑱他後唐
本自沙陀起朱邪歸唐賜姓李先王克用獨眼
龍亞子存勗唐莊宗莊宗滅梁即遇亂嗣源繼
之改名亶亶本胡人邈佶烈號曰明宗繼唐絕
明宗之子閔帝廢潞王從珂本王氏三姓四世
幾何時不過歷年一十四邈音莫佶音乞後晉高祖石
敬瑭其人本亦沙陀類借兵契丹除潞王出帝
代之名重貴叔姪兩世十二年耶律德光蹂其
地蹂忍尤反高祖劉暉為後漢高即沙陀劉知遠再

後晉

後漢

北宋

世隱帝名承祐四年即位後周篡高音郭威太
祖創周室立子名榮柴后姪榮真英主號世宗
嗣主宗訓謚曰恭三世十年實二姓繼周者誰
趙匡胤胤羊胤羊進反匡胤開基宋太祖削平僭偽一區
宇太宗真仁英神哲徽佶欽桓金所虜天下自
此又南北北為女真號金國金武元帝完顏旻
弟晟承之謚文烈閔宗煬王及世宗章宗衛王
至宜宣宗義宗守緒第九主一百一十七載終南
為後宋遷江表徽子欽弟高宗構孝光寧宗至

南宋

元
理宗此時出來守緒首度宗傳作至孝恭端宗
帝昺皆不久宋家三百二十年九世居前九世
後陽鐵木真為元太祖再世太宗取金土
定憲傳至世祖來遂平南宋一疆宇成武仁英
及泰定明文寧帝至順主元氏十四世相承僅
馭中華九十數馭音
大明混一統普天奄有華夷邁古先聖以繼聖
永綿延久安長治億萬年

十九史略通考凡例

一自太古至于周之列國一依魯氏舊本其有
誕妄不經之辭辭通鑑外紀所不載者悉刪而
去之庶免學者之亂惑自秦漢至于五代亦
依魯氏舊本而以朱子綱目正之宋亦依魯
氏舊本而以四明陳氏通鑑參之元則一依
臨江張氏通鑑參編並不敢妄為之說
一音義並依洪武正韻羣玉等書及聖經賢傳
參考定編其州郡沿革則依臨川陳氏所編

間有未備者則采慈湖王氏集覽以補之
一自漢以下至于五代凡一君一國之下並以
南宮氏史斷附之以斷一君之賢否得失一
國之興亡治亂其有冗長者則刪之刪之缺略者
則補之自宋至元則節取諸儒粹言竊附已
意以斷之後之君子儻不以僭為罪賜之訂
正則幸矣

十九史略通考凡例 畢

古今歷代標題註釋十九史略通考卷一之上

前進士廬陵 曾 先 之 編次

松塢門人番陽竹窩余進宗海通考

太古

天皇氏以木德王歲起攝提無為而化兄弟十

二人各一萬八千歲 王去聲九有天下者人稱

天下而言曰王則去聲後皆倣此○木德王謂
以木德治天下凡旂服姓用皆尚青色餘如火
赤土黃金白水黑皆此意也爾雅太歲在寅曰
攝提格無為而化謂上古民淳不待教令而自
化也
○地皇氏以火德王兄弟十一人亦各一萬八

無為而化

千歲○人皇氏兄弟九人分長九州凡一百五十
 世合四萬五千六百年長上聲○長君長之也九州冀充青徐揚荆豫
 梁雍也此時未有九州之目蓋追言之耳○愚
 聞之師曰八千之十當作百蓋御子以自有天
 地至于窮盡謂之一元一元有十二會一會有
 一萬八百年子會生天丑會生地寅會生人至
 戌會則閉物而消天亥會則消天而消地至于
 會則又生天而循環無窮矣自寅會箕子會至
 午會星一度該四萬五千餘年正唐堯起甲辰
 之時也夫自開闢以來固有民物帝王第以書
 契未興無從稽考其曰天皇氏地皇氏人皇氏
 蓋亦傳聞其名而已故作史者以生民以來若
 千年歲酒派於三皇等入氏之下以足其數豈
 真有一萬八千歲哉然不以四萬五千六百年
 錄之於唐堯之前而置之於人皇氏以後有曰
 此蓋亦誤矣學者不可不察

有巢氏構木為巢食木實構架也謂聚柴薪以居禮記所謂居櫓巢
 是也木實桃李之類至燧人氏始鑽燧教人火食鑽燧謂取火也火食謂烹炊而食也
 攷與考攷與考同證也在書契以前年代國都不可攷

太昊伏羲氏吳與韓通明也蓋以木德王位在東方象日之明故號太
 昊以能馴伏羲姓故號伏羲氏也

太昊伏羲氏風姓蛇身人首代燧人氏而王臨
 陳氏勝曰姓者統其祖考之所始畫八卦八卦坤
 自出氏者別其子孫之所自分始畫八卦乾坤
 離坎震巽艮兌也○孔安國曰伏羲王天下造
 龍馬負圖出河遂則其文以畫八卦是也

以龍紀官

書契以代結繩之政

書契謂刻木書字也結繩者上古未有文字大事則

大其繩小事則小

制嫁娶以儷皮為禮

儷音麗

從夫曰嫁取女為妻曰娶儷偶數也上古未有布帛衣鳥獸皮故以之為禮後世納幣本此

結網罟教佃漁

罟音古○佃取禽獸漁取魚鼈

養犧牲以充庖

厨故曰庖犧

牛羊豕曰牲犧色純者也宰殺之所曰厨○六畜之

類其初亦野物也惟聖人能察其性馴者教人家養之

有龍瑞以龍紀官

號龍師

伏犧受命有龍馬負圖出河之瑞故以龍冬官黑龍中官黃龍

木德王都於陳

天子所居曰都都總也天下總會之

所也陳州名屬河南

庖犧崩

禮記天子死曰崩王首尊皆民上其死如從天墜地故曰

始作笙簧

崩

女媯氏立亦風姓木德王始作笙簧

媯音瓜

氏蓋伏羲之女也或曰伏羲妹也笙中金葉曰簧嚴氏曰笙以匏為之十三管列匏中而施簧

管中吹笙則鼓動其簧以發聲也

女媯氏沒有共工氏大庭氏

柏皇氏中央氏歷陸氏驪連氏赫胥氏尊廬氏

混沌氏吳英氏朱襄氏葛天氏陰康氏無懷氏

風姓相承十五世

承繼也陳氏曰年代莫知幾何不敢強說愚按伏羲以下

唐堯以上年代不見於經傳無從稽考世紀所載固難盡信今姑從之

炎帝神農氏

以火德王故號炎帝以始教耕故又號神農氏也

炎帝神農氏姜姓人身牛首繼風姓而立火德

斲木為耒

日中為市

王斲木為耒，揉木為耒，始教耕。牛首蓋頭有角也。斲音捉，耒音

似揉忍尤反，耒力遂反。斲斲也。朱子曰：耒所以起土，耒柄也。作蜡祭以赭鞭

鞭草木。蜡音乍，赭音者。○蜡當作蜡，臘祭名。夏義一也。赭赤也。崇仁吳氏曰：蜡祭之後用赤鞭，鞭動春氣，欲草木早生，赤屬陽，假其氣也。陳氏曰：謂鞭記其毒，則是葷。百草之事然亦無所據也。嘗百草始有醫藥教

又日中為市交易而退。醫亦作盤。○貿易居貨之所曰市，又貿易曰市。

都於陳，徙曲阜。曲阜縣名。傳帝承帝臨，帝則帝

百帝來帝襄，帝榆姜姓，凡八世五百二十年。世紀

則作明百作襄作衰

黃帝軒轅氏。以土德，王故號黃帝。以若軒轅之丘，故又號軒轅氏也。

黃帝軒轅氏，公孫姓。又曰姬姓，名軒轅，有熊國

君少典子也。毋見大電繞北斗樞星，感而生帝

少去聲。○本姓公孫，長居姬水，因改姬姓。陰陽激曜曰電，樞星北斗第一星也。炎帝世

衰諸侯相侵伐，軒轅乃習用干戈以征，不享諸

侯咸歸之。與炎帝戰于阪泉之野，克之。阪音反，炎帝蓋

帝榆于盾，戈戟也。不享謂不來朝享之國也。阪泉地不在上谷。○按征伐始此，世變可知矣。

蚩尤作亂，其人銅鐵額，能作大霧，軒轅作指南

車，與蚩尤戰於涿鹿之野，禽之。遂代炎帝為天

禽蚩尤

習用干戈



紀以雲
官雲

二制子作
律十甲

子蚩音答涿音卓禽與槍同○蚩尤當時諸侯

銅鐵額言其額堅如銅鐵也陳氏曰霧者陰

陽蒙冒之氣蚩尤能為之以昏迷軍士指南車

古制不可考唐憲宗始定其制車上有樓四角

刻木為龍又刻仙人於上車雖回轉手常指南

軒轅用之以定四方示軍士也或曰車上用子

午盤針以定四方亦通涿鹿郡名屬北平今涿州

土德王以雲紀官為雲師應劭曰黃帝受命有雲瑞故以雲紀事也

雲師春官青雲夏官緇雲秋官白雲冬官黑雲

中官黃雲以風后為相力牧為將相將皆去聲後多

求受河圖見日月星辰之象始有星官之書河

未詳蓋與伏犧河圖異也命大撓占斗建作甲子容成造曆

隸首作筭數伶倫造律呂撓音鬧占音唇隸音

伶倫皆臣名占測也謂驗斗柄初昏所指月建

而天于十地支十二配為六十甲子也筭數

謂九章筭法也律呂截竹為筒陰陽各六以節

五音之上下黃鐘大簇姑洗蕤賓夷則無射為

六陽律大呂夾鐘仲呂林鐘南呂應鐘為六陰呂也為文章以表貴賤作

舟車以濟不通文章衣類畫瑟分州得百里之國

萬區遠夷之國莫不入貢蠻音帝崩有子二十

五人其得姓者十四世紀黃帝在位一百年提

子曰玄囂昌意又有庶子二十五人其

○少昊金天氏名玄囂黃帝子也亦曰青陽其立

少昊金天氏以金德王位在西方象曉日

之明故號少昊金天氏也

以鳥紀官

也鳳鳥適至以鳥紀官

鳳瑞禽羽虫之長王者德盛則至左氏傳曰祝

鳩氏司徒也唯鳩氏司馬也鳴鳩氏司空也鵠鳩氏司寇也鵠鳩氏司事也○世紀少昊金縢

王在位八十四年

顓頊高陽氏

顓頊音專旭○高陽蓋顓頊所興之地名因以為氏今開

封府祀縣是也

○顓頊高陽氏昌意之子黃帝孫也少昊之衰九

黎亂德民神雜糅不可方物

黎氏九人當時諸侯雜糅混處也方

猶分辨也

顓頊受之乃命南正重司天以屬神火正

黎司地以屬民使無相侵瀆

重平聲屬音竹○南正火正並官名

揚子法言重黎篝火作北重黎人名重少昊子

勾芒黎顓頊子祝融也司主也屬神謂明其祭

祝之禮以聯屬之也瀆廢也言神不侵民民不瀆神

也始作曆以孟春為元

世紀顓頊以水德王在位七十八年

帝嚳高辛氏

嚳音酷○高辛蓋帝嚳所興之地名因以為氏在西京偃

縣師

○帝嚳高辛氏玄囂之孫黃帝之曾孫也生而神

靈自言其名代顓頊而立居於亳

亳音洧地名今亳州○世

紀玄囂生極蟠極蟠生帝嚳以木德王在位七十五年

帝堯陶唐氏

堯名也夏商以前帝王並以名稱至周文武始有謚而謚

生而神靈

仁如
天知
如神

○

法有下翔善傳聖曰堯及善行德義曰堯者蓋因唐帝以起義非謂當特即以堯謚唐帝也舜禹桀紂皆倣此堯初為唐侯後為天子都陶故堯陶唐氏也

帝堯陶唐氏伊祈姓或曰名放勳帝嚳子也放勳

音放勳○朱子曰放至也勳功也本史臣贊堯之辭後人因以為堯名也其仁如天

其知如神就之如日望之如雲知去聲○如天言其發育萬物

也如神言其無所不知也就猶依也言人依就之如隆寒之伺日也仰望之如大旱之望雲也

以火德王都平陽茅茨不剪土階三等政音慈○平陽

府名屬今山西剪裁也言以茅茨蓋屋不取齊整也等級也有草生庭十五

日以前日生一葉以後日落一葉月小盡則一

茅茨
不剪

葉厭而不落名曰莫茨觀之以知旬朔厭音葉莫音冥

茨音切○厭乾黃之意十日曰旬月一日曰朔治天下五十年不知天

下治歟不治歟億兆願戴已歟不願戴已歟問

左右不知問外朝不知問在野不知治天下之治平聲治

歟之治去聲凡為理物之義者平聲為已理之義者則去聲後皆倣此朝音潮○十萬曰億十

億曰兆戴佩也郊外曰野乃微服游於康衢聞童謠曰立我

烝民莫匪爾極不識不知順帝之則陳氏曰微服微賤之

服也爾雅路五達曰康四達曰衢烝衆也此四句贊美之辭言立此衆民無非帝德我則無所

識無所知唯順堯帝之法則而已有老人含哺鼓腹擊壤而歌

游於
康衢

曰日出而作日入而息鑿井而飲耕田而食帝力何有於我哉嘯音步○食在口曰嘯擊扣也詳見風土記蓋老人怡神養性之具也作作起也此五句樂道之辭

番陽石氏曰堯德如天廣大無窮康衢之謠感戴之也擊壤之歌則忘之矣王者之民皞皞如也其如是乎又曰康衢之謠童子之辭也擊壤之歌老人之辭也老少各得其樂於此見矣

愚謂帝堯聞此歌謠蓋始知天下之洽億兆

其

之願戴已也

觀于華華封人曰噫請祝聖人使聖人壽富多男子堯曰辭多男子則多懼富則多事壽則多辱封人曰天生萬民必授之職多男子而授之職何懼之有富而使入分之何事之有天下有道與物皆昌天下無道修德就間千歲厭世去而上僊乘彼白雲至于帝鄉何辱之有華去聲間閉同

使
水
治
蘇

十二年有九年之水使蘇治之九載弗績蘇音

僊仙同○華四岳山名封人掌封疆之官意歎辭祝祈願也昌盛也厭棄也堯立七

四嶽舉舜

父崇伯名績功也蓋唐虞三載考績三考黜堯

陟幽明故蘇治水必九載弗績而後黜之也

老倦于勤四嶽舉舜攝行天子事九峯蔡氏曰四嶽官名蓋

一人而總四岳諸侯之事也堯子丹朱不肖乃薦舜於天堯

崩舜即位父賢也詳見孟子帝舜有虞氏謚法仁聖盛明曰舜說見唐

也號

帝舜有虞氏姚姓或曰名重華瞽瞍之子顓頊

六世孫也姚音遙重平聲重復也瞽瞍音古雙

重華本史臣贊舜之辭因以為舜名也且有瞳而無明日瞽無瞳曰瞍舜父有目而不識賢愚

舜盡孝悌之道

故稱瞽瞍世紀顓頊生窮蟬窮蟬生敬康敬康生勾望勾望生橋牛橋牛生瞽瞍瞽瞍生舜

父惑於後妻愛少子象常欲殺舜舜盡孝悌之

道蒸蒸又不格姦少去聲○象舜異母弟也善父母曰孝善兄弟曰悌蒸蒸

又治格至姦惡也言舜雖處人倫之變而能盡孝悌之道使父母及弟進進以善自治不至太

讓畔讓居

為姦惡也耕歷山民皆讓畔漁雷澤入皆讓居陶河

濱器不苦窳所居成聚二年成邑三年成都音苦

古又孔五反窳音字○歷山在河東雷澤在濟

陰陶謂燒土為器也河濱在濟陰定陶苦窳謂

濫惡不以窳器相欺自是民賴其用不復患於

是矣聚落也如村落部落也周禮四井為邑四

邑為都成聚成邑成都言民歸舜之漸如此所

妻帝
二女

去四舉元凱

謂天下之五多就之者是也。○不格姦以上言舜之德化於內也。成都以上言舜之德化於外也。堯聞之聰明舉於畎畝妻以二女曰娥皇女

英釐降於媯汭吠音犬妻去聲釐音離媯音圭汭音芮○以女事人曰妻釐治

也降下也媯水名在歷山西水北曰汭又小水入大水之名蓋二水合流之內也舜居於此堯

治裝以二女下嫁之所謂遂相堯攝政放驩兜

流共工殛鯀竄三苗舉才子八元八凱相去聲

堯當侯反共平聲殛音棘○朱子曰流徒也驩

堯人名共工臣名二人比周相與為黨誅也驩

蘇方命圮族治水無功竄逐也三苗國名負固不服皆不才之子故舜誅之所謂四罪而天下

咸服是也元善也凱和也高辛氏有才子八人謂伯奮仲堪叔獻季仲伯虎仲熊叔豹季狸也

天下謂之八元舜舉之使布五教高陽氏有才子八人謂之八俊舜舉之使播敷大臨龐降庭堅仲容

叔達也天下謂之八凱堯崩舜避位河南天下

舜舉之使主后土也

朝覲訟獄謳歌者不歸堯之子而歸舜遂即位

朝音潮○朱子曰河南即豫州訟獄謂獄不決而訟之也詳見孟子以土德王命

九官咨十二牧命九官謂禹為司空棄為后契為司徒垂共工益為虞伯

夷作秩宗臯陶作士夔典樂龍作納言也十二牧謂冀兗青徐揚荆豫梁雍幽并營十二州牧

民之四海之內咸戴舜功也戴仰彈五絃之琴歌

南風之詩而天下治其詩曰南風之薰兮可以解吾民之愠兮南風之時兮可以阜吾民之財

歌風之南

兮治去聲○愠含怒時景星出卿雲興百工相

和而歌曰卿雲爛兮禮漫漫兮日月光華旦復

旦兮卿與慶同和去聲漫叶音縵○慶雲五色

出德至山陵則卿雲興百

石氏曰南風之詩上之所以樂也卿雲之歌

下之所以樂也君臣上下各得其樂於此見

矣

薦禹於天

舜子商均不肖乃薦禹於天舜南巡狩崩於蒼

梧之野在位六十一載禹即位天子適諸侯曰

行諸侯所守之土也詳見舜典蒼梧山名亦曰

九疑在今道州寧遠縣南舜墓在焉孟子謂舜

夏后氏夏禹有天下之號按三代夏獨言

以別於帝也舜禹俱祖顓頊而舜虞氏禹

夏后氏禹姁姓或曰名文命鯀之子顓頊孫也

陳氏曰命教也言禹敷其文教

愚按堯舜禹世系皆司馬遷所記而曾氏仍

其舊焉今以其說考之堯禹則是黃帝五世

孫而舜則是黃帝九世孫堯奚為以二女下

規矩

人泣下車罪

鼎鑄酒疏旨九

呂所行合尺度準平繩直規圓矩方皆法度之器言其動作威儀皆可則象也一饋十

起以勞天下之民勞去聲下同安慰也出見罪人下車問

而泣曰堯舜之人以堯舜之心為心寡人為君

百姓各自以其心為心寡人痛之寡人寡德之人謙辭也

古有醴酪至禹時儀狄作酒禹飲而甘之曰後

世必有以酒亡國者遂疏儀狄醴音禮一宿成之酒而酪音洛

乳漿也疏疎同收九牧之金鑄九鼎三足象三

德以享上帝鬼神九牧九州牧伯也九鼎象九州蓋烹飪之器而傳國之寶

也三德謂正直也剛也柔也享祭也會諸侯於塗山執玉帛者萬

國塗山在臨濠府鍾離縣西玉謂五等之圭璧也諸侯所執帛謂玄纁黃三色之幣帛也附

庸所禹濟江黃龍負舟舟中人懼禹仰天歎曰

吾受命於天竭力以勞萬民生寄也死歸也視

龍猶蠃蚘顏色不變龍俛首低尾而逝蠃猶如也蚘音

偃挺蚘蚘也一名守宮謂龍而無角謂蛇而有足也南巡至會稽山而崩

會音檜稽音筭在今紹興府子啓賢能繼禹道禹嘗薦益於

天謳歌朝覲者不之益而之啓曰吾君之子也

啓遂立朝音潮

孔子曰唐虞禪夏后殷周繼其義一也

蠃

歸蹄天啓下

征有 扈有 后羿 專政

寒浞 殺羿

孟子曰天與賢則與賢天與子則與子詳見孟子

本本文

有扈氏無道啓討之于甘音戶夏同姓之國地名在扶風郿縣

事見書甘誓傳文啓崩子太康立盤遊弗返有窮后羿

立其弟仲康而專其政羲和黨於羿胤侯承王

命征之胤音胤窮國后君也義氏和氏夏合為一官也胤國侯爵也事見書

胤征仲康崩子相立羿弑相篡立嬖臣寒浞又

殺羿自立相去聲篡初患反浞食角反○下殺

寒姓浞名也鄒氏曰王相立二十八年為羿浞所弑夏統中絕者四十年○按篡弑之亂始此

有一有 旅衆成田

孔好神劉擾 鬼甲 龍累

相之后有仍國君女也方娠奔有仍而生少康

其後少康有田一成有衆一旅旅因夏舊臣靡舉

兵滅浞而復禹之績娘音申孕也十里地為一成五百人為旅靡臣名績功

也自少康以來歷王杼王槐王芒王泄王不降

王扁王厘至王孔甲好鬼神事淫亂夏德衰天

降二龍有雌雄陶唐氏之後有劉累者學擾龍

以事孔甲賜之姓御龍氏龍一雌死潛醢以食

孔甲復求之累懼而逃好去聲累力鬼反擾音

遠醢音海食音似復扶又反○擾謂馴其性而養之也醢肉醬也言

累藏龍以為醢以食孔甲孔甲既饗復求致龍

肉山
酒池

累不能致龍
改懼而逃孔甲之後歷王臯王發至王履癸

號為桀貪虐力能伸鐵鉤索伐有施氏有施以

末喜女焉有寵所言皆從為瓊宮瑤臺殫民財

肉山脯林酒池可以運船糟堤可以望十里一

鼓而牛飲者三千人末喜以為樂國人大崩湯

伐夏桀走鳴條而死末外紀作妹女去聲殫音

殺曰桀說見唐紀施國各當時諸侯以女與人

曰女乾肉曰脯山林喻其多也堤亦作隄言累

糟如隄防之高十里可望見之也牛飲謂低頭

十七世凡四百五十八年

雙峯胡氏曰舜之稱禹有曰地平天成六府

三事允治萬世永賴時乃功謂宜禹有天下

子孫世守而不失也然再傳而太康失邦四

傳而王相滅國人孰不以為天之不可必也

然少康以遺腹子羈旅遺竄之餘有田一成

有衆一旅輔以遺臣靡卒能復禹之績祀夏

配天不改舊物誠以禹之功大德茂故天陰

隲於冥冥之中也耶嗚呼以一太康而失邦

以一王相而滅國又以一少康而中興栽培
傾覆固天道之常亦存乎其人耳未可專論
其世也有天下者尚鑒乎茲

殷契始封商成湯因以為有天下之號也至盤庚遷亳殷始號殷或殷商並稱也

殷王成湯子姓名履湯號也武功成故曰成湯其先曰契帝

嚳子也母簡狄有娥氏女見玄鳥墮卵吞之生

契為唐虞司徒封於商賜姓契音屑娥音蒿卵魯管切○朱子曰

玄鳥鳥也春分玄鳥降高辛氏之妃簡狄祈于郊禱鳥遺卵簡狄吞之而生契也司徒掌教之官商州名屬今陝西以吞卵而生故賜子姓傳昭明相土昌若曹圉

曰冥曰振曰微曰報丁報乙報丙主壬主癸去相

音女主癸子天乙是為湯始都亳使人以幣聘

伊尹于莘進之夏桀不用尹復歸湯如是者五

莘所臻反農扶又反下並同○伊尹名摯莘國名在汴州陳留縣或曰在同州郃陽縣桀

殺諫者關龍逢湯使人哭之桀怒召湯囚夏臺

已而得釋逢音旁○夏臺夏獄名殷曰羨湯出里周日○圉土秦曰囹圄釋放也

見有張網四面而祝之曰從天降從地出從四

方來者皆罹吾網湯曰噫盡之矣乃解其三面

改祝曰欲左左欲右右不用命者入吾網諸侯

祝
三網
面

巢于放
南桀

聞之曰湯德至矣及禽獸

雁音離遭也意音希歎辭至極也言禽獸

欲從在去者則左之欲從右去者則右之但不

侯尊湯為天子金德王以丑月為歲首

蔡氏曰盧江六

是也桀奔於此因以放之

楊氏曰伊尹之相湯以三聘之勤也其就桀也湯進之也湯豈有伐桀之意哉其進伊尹以事之也欲其悔過遷善而已伊尹既就湯則以湯之心為心矣及其終也人歸之天命

大早
七年

六事
自責

之不得已而伐之耳若湯初求伊尹即有伐桀之心而伊尹遂相之以伐桀則是以取天下為心也以取天下為心豈聖人之心哉

大早七年太史占之曰當以人禱湯曰吾所為請者民也若必以人禱吾請自當遂齊戒剪爪斷髮身嬰白茅以身為犧牲禱于桑林之野以六事自責曰政不節歟民失職歟宮室崇歟女謁盛歟苞苴行歟讒夫昌歟言未已大雨方數

千里

所為之為去聲斷音短苴子余反○太史官名今欽天監官也以禱謂殺人以祭也

太甲
悔過
自責

所為請言為民而請雨也嬰統也不節謂政事不簡失職謂民生不遂女謁婦女請託也裏曰苞藉曰苴謂賄賂也譏夫昌謂佞人盛多也湯崩太子太丁早卒次

子外丙立二年崩弟仲壬立四年崩禮記云大夫死曰卒

太丁未立而卒故亦稱卒太丁之子太甲立不明伊尹放之

桐宮居憂三年悔過自責尹乃奉歸亳循德諸

侯歸之不明謂昏暗所謂顛覆湯之典刑是也桐湯墓所在伊尹營宮放太甲於此太

甲為仲壬後故為居喪年三年

公孫丑曰伊尹曰予不狎于不順故太甲于

桐民大悅太甲賢又反之民大悅賢者之為

太戊
脩德
祥桑
枯

入臣也其君不賢則固可放與孟子曰有伊

尹之志則可無伊尹之志則篡也

自太甲歷沃丁太庚小甲雍已至太戊亳有祥

桑穀共生于朝一日暮大拱伊陟曰妖不勝德

君其脩德太戊脩先王之政三日而祥桑枯死

殷道復興號稱中宗戊音茂朝音潮○祥妖異也穀楮木也兩手所圍曰

拱一日外紀作七自太戊歷仲丁外壬至河

甲日伊陟伊尹子也避水患遷于相曹多簡反相去聲○陳氏殷

名屬河東今至祖乙居耿又圮于耿圮部弭反

河亶
甲遷
于相
祖乙
耿

盤庚 復遷 于亳 高宗 夢得 良弼 于雉 鼎鳴

耿城名在河中府龍門縣蓋相都又有歷祖辛

沃甲祖丁南庚陽甲至盤庚自耿復遷于亳殷

道復興詳見書自盤庚歷小辛小乙至武丁夢

得良弼曰說說為胥靡築于傅巖求得之立為

相武丁祭湯有飛雉升鼎而雒武丁懼而反已

殷道復興號無高宗說音悅為胥之為去聲雉音構○說人名姓傅胥靡

謂聯繫相從服役之刑徒也傅岩傅氏之岩在

陝州虜魏之界通道所經有澗水冲壤常使胥靡築護之說賢而貧故代胥靡服役以供食而高宗以物色得之也雉野雞也雉鳴也反已謂

及而求自武丁歷祖庚祖甲廩辛庚丁至武乙

無道為偶人謂之天神與之博令人為行天神

不勝乃僂辱之為革囊盛血仰射之命曰射天

出獵為暴雷震死稟音凜為行為暴之為去聲

○陳氏曰以土木為人曰偶人局戲曰博為行者代行博采也革囊皮袋也以其死非命故不

崩歷太丁帝乙至帝辛名受號為紂資辯捷疾

手格猛獸智足以拒諫言足以飾非謚法殘義損善曰紂

說見唐紀始為象箸箕子歎曰彼為家象箸必不

盛以上土蓋將為玉杯玉杯象箸必不羹藜藿衣

短褐而舍茅茨之下則錦衣九重高臺廣室稱

拒諫 飾非 象箸 玉杯

酒池
肉林

此以求天下不足矣蓋音居衣去聲褐音苟重平聲稱去聲○象箸以象

牙為箸也箕國子爵紂諸父也土簋瓦器藜野菜藿豆葉褐毛布也九重言宮闕深也紂

伐有蘇氏有蘇以妲己女焉有寵其言皆從音姐

妲己厚賦稅以實鹿臺之財盈鉅橋之粟廣沙

丘苑臺以酒為池縣肉為林為長夜之飲縣平聲

諸侯有畔者紂乃重刑辟為銅柱以膏塗之加

於炭火之上使有罪者緣之足滑墜火中與

姐已觀之大樂名曰炮烙之刑辟音僻樂音洛炮音庖烙音洛

○畔與叛同背也辟法也膏油也跌失淫虐甚定也置肉於火曰炮以火灼肉曰烙

庶兄微子數諫不從去之比干諫三日不去紂

怒曰吾聞聖人之心有七竅剖而觀其心箕子

佯狂為奴紂囚之數音朔竅告予反佯音羊○妾母所生日庶微國子爵也

比干紂諸父竅孔也佯詐狂惑疾也古者奴婢皆以罪人為之箕子因諫得罪故為奴

朱子曰三人行不同而皆出於至誠惻怛

之意故不拂乎愛之理而有以全其心之德

也孔子所以謂三仁

陳氏曰微子去之欲存宗祀比干死諫欲悟

君心箕子佯狂任意猶規諫迹雖不同為仁一

美里昌

也

之麥歌秀

周侯昌及九侯鄂侯為紂三公紂殺九侯鄂侯
 爭并脯之昌聞而歎息紂囚昌美里昌之臣散
 宜生求美女珍寶進紂大悅乃釋昌昌退而脩
 德諸侯多叛紂歸之昌卒子發立率諸侯伐紂
 紂敗于牧野衣寶玉自焚死殷亡
九音仇鄂音岳散上聲爭衣皆去聲美音酉○周九鄂並國名侯爵也三公太師太傅太保也散氏宜生名美里殷微名牧野在紂都朝歌南箕子後朝周過故殷墟傷宮室毀壞生禾黍欲哭不可欲泣則為近婦人乃作麥秀

之歌曰麥秀蘄蘄兮未黍油油彼狡童兮不與

我好兮殷民間之皆流涕

朝音潮蘄音尖亦作新○史記武王克商

封箕子於朝鮮而不臣此曰朝周即所謂於周為客者也殷墟謂殷之宮室廢為丘墟也有聲曰哭無聲有淚曰泣蘄蘄秀貌油油盛貌狡童指紂好謂善也殷為天子三十

一世六百四十年

雙湖胡氏曰湯聖德革命而興由湯至于武

丁賢聖之君六七作天下歸殷久矣久則難

變也使紂中主猶可守業奈何淫虐而不已

邪蓋至於此始知不可專以祖德論也有德

則興無德則亡天豈容一毫私意於其間哉

周周古公亶父所居之地也武王因以為有天下之號也

周武王姬姓名發后稷十六世孫也按父子相承為一世

又三十年亦為一世然后稷陶唐時入自唐至周武王有天下時該一千二百餘年止十六世

殊不合事情其謬誤昭昭矣大抵史遷帝王世次多不足信朱子詩傳亦謂古公為后稷十三世孫蓋據此說而未之考耳

后稷名棄棄母曰姜嫄為帝嚳

元妃出野見巨人迹心欣然踐之生棄以為不

祥棄之隘巷馬牛避不踐置之平林適會林中

多人遷之徙置寒冰鳥覆翼之以為神遂收之

姜嫄
履人
生人
稷后

籍

隘於懈反覆數救反○以初棄之故名棄姜姓嫄名有邰氏女也隘狹也會直也遷之謂移於安地也覆蓋翼籍也以一翼覆之以一翼籍之也

朱子曰無入道而生子或者以為不祥故棄

之而有此異也於是始收而養之然匪迹之

說先儒或頗疑之而張子曰天地之始固未

始先有入也則入固異有化而生者矣蓋天地

之氣生之也蘇氏亦曰凡物之異於常物者

其取天地之氣常多故其生也或異麒麟之

生異於犬羊蛟龍之生異於魚鼈物固有然

師為后
農稷

者矣神人之生而有異於人何足恠哉斯言
得之矣

兒時此如巨人之志其游戲好種樹及成人能

相地之宜教民稼穡興於陶唐句虞夏之際為

農師封於郟別其姓號后稷此魚一反好相音
去聲別彼列反○

此卓貌樹猶植也相視也種曰稼歛曰穡際謂
交會之間郟國名在京兆府武功縣朱子曰郟

后稷之母家也豈其或滅或
遷而遂以其地封后稷歟卒子不窋立夏后

氏政衰不窋失其官奔戎狄之間窋之出反○
西夷曰戎北

夷曰狄不窋失其官蓋當夷拜篡
弑之時及少康興而復其官也不窋卒子鞠

公脩稷
劉后之業

古公
去豳

立鞠卒子公劉立復脩后稷之業務耕種百姓

懷之遷于豳復扶又反豳音彬一
作邠州名屬今陝西自公劉歷慶

節皇僕參弗毀隃公非高圉亞圉公叔鉏參一
作差

隃音隃圉音
女鉏一作祖至古公亶父獫鬻侵之去豳渡漆

沮踰梁山邑於岐山之下居焉豳人曰仁人也

不可失也扶老携幼以從句他旁國皆歸之音父

甫獫鬻音熏育狄人名漆沮音七起水名在扶
風杜陽縣梁山在雍州岐山縣邑作邑也岐山

在扶風美陽西北其南有周
原作邑於此因改國號曰周古公長子太伯次

虞仲其妃太姜生少子季歷季歷娶太任生昌

太任
生昌

有聖德

有聖德太伯虞仲知古公欲立季歷以傳昌乃如荆蠻斷髮文身以讓季歷長上聲少去聲斷音短○太姜姜姓女也太任華國任氏女也如姓也荆者楚之舊號蠻者南夷之名文身謂刻其身而涅之以示不可為君也

孔子曰太伯其可謂至德也已矣三以天下讓民無得而稱焉說者謂太伯之德當商周之際固足以朝諸侯有天下矣乃棄不取而又泯其迹焉則其德之至極為何如哉宜夫子之贊美而歎息之也

昌立西伯

古公卒公季立公季卒昌立為西伯西伯脩德諸侯歸之伯長也紂命文王為西方諸侯之長得專征伐故號西伯虞芮爭

田不能決乃如周入界見耕者皆遂畔民俗皆讓長二人慙相謂曰吾所爭周人所耻乃不見西伯而還俱讓其田不取漢南歸西伯者四十國皆以為受命之君三分天下有其二長上聲虞芮

二國名如往也漢南漢水之南也蓋天下歸文王者六州荆梁雍豫徐揚也惟青兗冀尚屬紂耳

孔子曰三分天下有其二以服事殷周之德

尊尚
呂為
太公

其可謂至德也已矣

有呂尚者東海上人窮困年老漁釣至周句西

伯將獵卜之曰非龍非鸞非熊非羆非虎非貔

所獲霸王之輔果遇呂尚於渭水之陽與語大

悅曰自吾先君太公曰當有聖人適周周因以

興子真是邪曰吾太公望子久矣故號曰太公

望載與俱歸立為師謂之師尚父鵬音離羆音卑貔音皮父

音甫○呂氏尚名也姓姜隱於東海聞文王善

養老入釣于周以就養焉事見孟子○鵬熊羆貔

虎並獸名渭水出渭州渭源縣烏鼠山至同州

馮翊縣入河水北曰陽謂之師尚父者言其可

諸侯
會者
八百

師可尚可父也西伯卒子發立是為武王率脩西伯緒

業十三年諸侯不期而會者八百皆曰紂可伐

矣王不可引歸紂不悛王乃伐之悛音千○謚

曰武又威強敵德刑民克服張子曰此事間不容髮一日之間天命未絕

誇志多窮皆曰武悛改過也則是君臣當日命絕則為獨夫然命之絕否

何以知之人情而已諸侯不期而會者八百

武王安得而止之哉

伯夷
叔齊

伯夷叔齊叩馬而諫左右欲兵之太公曰義人

而叩馬諫

也扶而去之

伯夷叔齊孤竹君之二子叩馬說文云牽馬也兵猶殺也太公以二

人知君臣之義故扶而去之

蓋武王太公之心恐一時之無君伯夷叔齊

之心恐萬世之無君此義並行而不相悖也

王既滅殷為天子追尊古公為太王公季為王

季西伯為文王火德王以子月為歲首

謹法經天緯地

曰文又道德博聞勤學好問慈惠愛民愍民惠禮錫民爵位忠信據理皆曰文○朱子曰天開

於子地闢於丑人生於寅故斗柄建此三天下辰之月皆可以為歲首而三代迭用之也

不食周粟

宗周而伯夷叔齊恥之義不食周粟隱於首陽

山作歌曰登彼西山兮采其薇矣以暴易暴兮

不知其非矣神農虞夏忽焉沒兮我安適歸矣

于嗟祖兮命之衰矣遂餓而死

適音的于吁同宗周謂尊周

為天子也首陽山在河中府河東縣南薇似蕨而差大有芒而味苦可食也易換也言武王之

暴與紂無異如以暴易暴也適專主也春秋傳曰吾誰適從是也祖死也餓死謂不食周祿以

終身非飢餓而死也武王崩太子誦立是為成王

謚法安民立政

曰成王幼周公位冢宰攝政管叔蔡叔流言曰

公將不利於孺子與武庚作亂武庚者武王所

立紂子祿父為殷後者也周公東征誅武庚管

叔放蔡叔王長周公歸政

長上聲。周公名也。宰太宰。

也。管仲名鮮蔡叔名度皆武王弟而至此也。不利也。流言無根之言如水之流自彼而至此也。不利也。言其欲為篡統不利於成王也。歸猶還也。東征事詳見書金縢大誥及詩東山等篇。

范氏曰象日以殺舜為事舜為天子也則封之管蔡啓商以叛周公之為相也則誅之迹雖不同道則一也蓋象之禍及於舜而已故舜封之管蔡流言將危周公以間王室得罪於天下故周公誅之非周公誅之天下之所當誅也周公豈得而私之

鎬

初武王作鎬京謂之宗周是為西都將營洛邑未果王欲如武王之志召公遂相宅周公至洛築王城是為東都以洛為天下中四方入貢道理均也王居西都而朝會諸侯於東都

鎬音浩相去聲。朝音潮。鎬京在豐邑之東。召公名與相視也。言視洛之宜以營邑也。

周公召公

周公主之

陝音閃相去聲。陝州名屬河南。

按三代之興皆由賢臣禹拜昌言一饋十起妣氏以興湯學伊尹從諫弗拂子姓大昌文

來重
朝譯

武之時尚父為師亂臣十人周召夾輔實隆
姬氏嗚呼用賢則興不用則亡為人君者可
不慎哉

交趾南有越裳氏重三譯而來獻白雉曰吾受
命國之黃者天無烈風淫雨海不揚波三年矣
意者中國有聖人乎周公歸之王薦于宗廟使
者迷歸路周公錫以駟車五乘皆為指南之制
使者載之由扶南林邑海際暮年而至國故指
南車常為先導示服遠人而正四方重平聲譯音亦者音

不刑
用錯

狗駟音玳乘使皆去聲○交趾郡名本南粵之
地越裳國又在其南通兩番之語曰譯蓋路經
三國恐一使不通故重三譯而來也老人髮白
復黃面色如垢故曰黃者自天無至聖人乎二
十一字乃黃者之言也歸之王謂歸功於成王
也稱先王神靈故薦于宗廟也錫賜也四面有
屏蔽者曰駟車扶南林邑二國名並在南蠻歲
一周曰基導引也○孔子曰如有王者必世而
後仁說者謂周自文武至于成王而後禮樂興
即其效也
成玉崩子康王釗
立成康之際天下安寧刑錯四十餘年不用音釗
昭錯音措○謚法安樂撫民曰康又淵源流通
曰康溫柔好樂曰康錯捨置也蓋承文武道隆
德盛之後民不犯刑也
康王崩子昭王瑕立昭王南巡狩
至楚以膠舟載之溺不返膠音交○謚法聖聞

王德衰南征秦漢舟人惡之以膠舟進王御其舟至中流膠液而溺死○委周室之衰始此

子穆王滿立有造父者以善御幸於王得八駿

馬遊行天下將皆有車轍馬迹王西巡樂而忘

返徐子乘時作亂造父御王長驅歸救亂命楚

討徐誅之造音操父音甫樂音洛○謚法未詳後不註者放此幸寵也八駿曰絕地

日翻羽曰奔宵曰超景曰踰輝曰超光曰騰霧日掛冀也或以驛騶騶赤驥白兔騊渠黃駒

盜驪山子謂之八駿未知孰是徐國子爵姓嬴當時諸侯長驅言晝夜長驅不息也王將

征犬戎祭公謀父諫曰先王耀德不觀兵王不

聽征之得四白狼四白鹿以歸自是荒服不至

徐子作亂

荒服不至

諸侯不睦祭音債父音甫觀音貫○犬戎西戎名祭國公爵謀父字也耀明也觀視

也言先王以德服人不以兵威示穆王崩子共

王繫扈立共與恭同繫音夷扈音戶○謚法正德美蓉曰共又敬順事上曰共崩

子懿王躋立崩弟孝王辟方立崩子夷王燹立

下堂而見諸侯楚始僭稱王躋音艱辟音壁燹音悉協反○以天子

之尊而下堂見諸侯君弱之甚也以夷王崩子

厲王胡立無道暴虐侈傲得衛巫使監國人之

謗者以告則殺之道路以目王喜曰吾能弭謗

矣或曰是障也防民之口甚於防川水壅而潰

夷王下堂見諸侯

衛王監謗

周共周
事理召

使任宣
能賢王

傷入必多王弗聽於是國人相與畔王出奔莒

二相周召共理國事號曰共和者十四年而王

崩于莒弭音米壅音勇潰音會莒音滯謚法

謂巫以謗者告之王王即殺之也弭止也潰冲决也陳氏殷曰莒縣名屬河東今霍邑是也此周

召非周公旦召公奭也自二公之後凡輔相者皆通稱周召也二相和協共理國事故號共和

○按詩之變風變雅始此子宣王靖立任賢使能有召穆公

方叔尹吉甫仲山甫等為政於內外王化復行

周室中興焉謚法聖善周聞曰宣善聞周達曰宣賢有德者任之則足以正君而

善俗能有才者使之則足以脩政而立事召穆公名虎出平淮夷方叔南征荆蠻尹吉甫北伐

之龍
妖

嚴狃仲山甫以補袞職所謂為政於內外也崩于幽王宮湜立初夏

后之世有二龍降于庭曰予褒之二君卜藏其

祭歷夏殷莫敢發周人發之祭化為龍童女遇

之而孕生女棄之宣王時有童謠曰檠弧箕服

實亡周國適有鬻是器者宣王使人執之其人

逃句於道見棄女哀其夜號而收之逸於褒至

是褒人有罪入是女於王是為褒姒王嬖之淫

結及祭丑之反龜音元檠音掩鬻音育號平聲○謚法壅遏不通曰幽祭涎沫也龜似鼈而大檠山桑也弧弓也箕竹名亦作箕草也服矢房也鬻賣也逸藏也褒國姒姓之女故曰褒姒○

舉烽火
諸侯

犬戎
王弒幽

按龍祭之說恐為誕妄讀者詳之褒姒不好笑王欲其笑萬方

故不笑王與諸侯約有寇至則舉烽火召其兵

來接乃無故舉火諸侯悉至而無寇褒姒大笑

王乃廢申后及太子宜臼以褒姒為后其子伯

服為太子宜臼奔申王求殺之弗得伐申申侯

召犬戎寇宗周王舉烽火徵兵不至犬戎弒王

驪山下好去聲接音院驪音梨○臨州陳氏曰

警急則於高處舉之以為號也接救也申國名

在鄧州信陽軍之境宜臼之母家也徵召也驪山在華州渭南縣

愚按三代之亡皆由婦人桀愛末喜走死鳴

條紂嬖妲已焚死牧野幽惑褒姒弒死驪山

嗚呼后妃者紀綱之首王化之端也時之治

亂國之存亡於是乎繫有天下者可不戒哉

諸侯立宜臼是為平王以西都逼於戎徙居東

都王城時周室衰微諸侯強并弱齊楚秦晉始

大平王之四十九年即魯隱公之元年其後孔

子脩春秋始此謚法布綱治紀曰平春秋魯史

號令不行於天下故不得不因而脩之以示衰

平王徙居東都
孔子始脩春秋

貶之法也○孟子曰王者之迹熄而詩亡

而後春秋
作是也
平王崩太子之子桓王林立崩子莊

王佗立崩子釐王胡齊立齊桓公始霸佗音鮑 釐音熙

○謚法辟土服遠曰桓勝敵 克壯曰莊小心畏忌曰釐 釐王崩子惠王閔

立崩子襄王鄭立晉文公始霸襄王崩子頃王

壬臣立崩子匡王班立崩弟定王瑜立楚莊王

使人問鼎輕重王孫滿卻之閔音浪頃音傾 ○謚法愛人好與曰

惠因事有功曰襄又辟土有德曰襄孰心動懼 曰頃純行不差曰定又安民大慮曰定 ○外紀

楚伐陸渾之戎觀兵于周郊定王使王子孫滿勞 之楚子問鼎之大小輕重欲逼周取其鼎滿曰

在德不在鼎周德雖衰天命未改鼎 之輕重未可問也楚子慙懼而退 定王崩子

簡王夷立吳始僭稱王簡王崩子靈王泄心立

孔子生於其時靈王崩子景王貴立崩子悼王

猛立庶弟子朝弒之晉人討子朝而立敬王丐

孔子卒于其時丐音免 ○謚法亂而不損曰靈 布義行剛曰景 ○按孔子生于

靈王二十一年庚戌歲十一月庚子日卒 于敬王四十一年壬戌歲四月己丑日 敬王

崩子元王仁立崩子貞定王介立崩子哀王去

疾立弟思王叔帶襲弒之而自立少弟考王嵬

又攻殺思王而自立去上聲少去聲嵬吾回反 ○謚法行義悅民曰元清

白守節曰貞恭仁短折曰哀謀慮不愆曰崩子 思襲掩取也如寒氣之襲人不覺其入也 崩子

趙魏
始

脩通
始

威烈王午立晉趙氏魏氏韓氏始侯周自東遷
以來及是二十世而愈微諸侯用兵爭強號為
戰國其後司馬氏作資治通鑑朱子脩綱目始

此蓋法執德
進業曰烈

愚按晉大夫故弑其君剖分晉國此人倫之
大變天理所不容人人得而誅之况天子乎
當是之時苟能以王法正之則周業之中興
可指日而待也計不出此反寵秩之使列於
諸侯是獎姦誨盜而自遺患也其可以示法

於天下乎故司馬公法春秋而作通鑒子朱
子因通鑒而脩綱目並發原於此亦以王綱
之所係典禮之所存而天下之大經大法存
焉學者所宜^宜反復而玩心也或曰通鑒之^托
始於是也朱子於威興篇嘗有迷先幾之疑
矣綱目脩通鑒者則曷為無改焉蓋夫子之
脩春秋也曰其義則立竊取之又曰述而不
作知此則知朱子之綱目矣

威烈王崩子安王驕立齊田氏始侯安王崩子

諸侯皆稱王

論周本源所以長久

烈王喜立崩弟顯王扁立諸侯皆僭稱王顯王崩子慎靚王定立崩子赧王延立五十九年與諸侯約從攻秦秦昭王攻周赧王入秦頓首受罪盡獻其邑秦受獻而歸赧王於周以卒周為天子三十七世凡八百六十七年

靚音淨赧奴版反謚法寬

容和平曰安

司馬溫公曰周自平王東遷以來日以衰微至於戰國又分而為二其土地人民不足以比疆國之大夫然天下猶尊而事之以為共

主守文武之宗祧綿綿焉久而不絕其故何哉植本固而發源深也昔周之興也禮以為本仁以為源自后稷以來至於文武成康其講禮也備矣其施仁也深矣民習於耳目浹於骨髓雖後世微弱其民將有陵慢之心則畏先王之禮而不敢為將有離散之心則思先王之仁而不忍去此其所以享國長久之道也不然以區區數邑處於七暴國之間一日不可存况於數十年乎

古今歷代標題註釋十九史略通考卷一之上

